



Te Wētā

Te Matapae

Ngā Mōhiotanga

Ngā Wheako
Whaiaro o Mua

nā Tipene Watson

nā Sabrina Malcolm ngā pikitia

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: He aha tēnei momo ngārara? E mōhio ana koe ki ētahi atu momo ngārara? Noho ai te wētā ki hea? Kai aha ai te wētā? He aha tētahi rerekētanga o te wētā ki te pūngāwerewere? Kei te pēhea te āhua o te kōtiro? Ka pēhea tō āhua ka kite ana koe i tētahi wētā?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongō, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

He Ngohe

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: Ko wai i riri i tana kitenga i te wētā?

He Whakamāramatanga

Te whakawhiti kōrero

- Ka whakawhiti kōrero te kaiako me te ākongā
- Ka whai wāhi te ākongā ki te pānui atu ki te kaiako
- Ka aroturuki te kaiako

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. I pēhea te āhua o ngā tamariki?
3. Ki ōu nā whakaaro i te haere te wētā ki hea?
4. He aha ngā whakaaro o te wētā ka kite ana ia i ngā tamariki?
5. He aha ngā mea ka whakamataku i a koe? He aha ai?

Hei Mahitanga:

- Ko te whakarongo anō ki te kōpae
- Ko te pānui a te ākongā i a ia e whakarongo ana ki te kōpae
- Ko te pānui a te ākongā ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi.

Hei mahi 3: He ngohe pānui

Hei mahi 4: He ngohe tuhituhi

Ingoa: _____ Te rā: ____/____/____

Te Wētā

nā Tipene Watson

Tuhia he rarangi mai i te kupu ki te pikitia tika.



whakaaro



mataku



riri



menemene



tangi



kata

Ingoa: _____ Te rā: ____/____/____

Te Wētā

nā Tipene Watson

I a koe e whakarongo ana ki te kōpae whakaraupapahia ngā pikitia i runga i tāu e rongoi ai.



Ingoa: _____ Te rā: ____/____/____

Te Wētā

nā Tipene Watson

Me whiwhi:



kutikuti



kāpia

Whakapirihia ngā kōrero e hāngai tika ana ki ia pikitia.



Ka riri a Manu.

Ka tangi a Hōne.

Ka kata a Hana.

Ka menemene a Pānia.


Ka matakū a Pita.

Ka matakū a Wētā.

Ingoa: _____ Te rā: ___/___/___

Te Wētā

Ka hiahiatia:



pene rākau



kutikuti


nā Tipene Watson




kāpia




I tēnei ata ka kite a Manu
i te wētā, ka riri.



Ka _____ a Pānia i te wētā,
ka menemene.



Ka _____ a Hōne i te wētā,
ka tangi.



Ka _____ a Api i te wētā,
ka whakaaro.



Hōne



Pānia



Api